



Broj: 01/1-02-1506/17
Ilijaš, 29.06.2017. godine

Z A P I S N I K

sa 10. (desete) sjednice Općinskog vijeća Ilijaš, održane dana 29.06.2017. godine, sa početkom u 10:00h.

Desetom sjednicom Općinskog vijeća Ilijaš predsjedavao je predsjedavajući OV-a Ilijaš g-din Mahir Dević.

Prisutni vijećnici:

RB.	IME I PREZIME
	SDA
1	MAHIR DEVIĆ
2	ANEL BUMBULOVIĆ
3	MUAMER DERVIŠEVIĆ
4	ALMA OMERović
5	MEHMED SINANOVIĆ
6	ADEM ALIĆ
7	SAUDIN DURMIĆ
8	ARMIN MATORUGA
9	SEMIR DEDIĆ
10	HALID DIZDAREVIĆ
11	RASIM ŠEHIĆ
12	MELISA MATORUGA
13	ALEN HASKOVIĆ
	SDP
14	-
15	-
16	MIRSAD OSMANOVIĆ
	SBB-FAHRUDIN RADONČIĆ
17	AKIF BEŠLIJA
18	SEAD ŠEHIĆ
	BPS-SEFER HALILOVIĆ
19	MUHAMED HANDŽIĆ
20	ALMIR ŠPIODIĆ
	GS
21	-
22	-
	SAMOSTALNI VIJEĆNIK
23	SEMIR DIZDAREVIĆ
	LDS
24	MEHO DŽINDO
	STRANKA ZA SREDNJE
25	-

Odsutni vijećnici:

1. Alan Šerak
2. Damir Filipović
3. Edhem Hasanović
4. Asim Mujić i
5. Besim Gljiva

Prisutni gosti:

1. Aida Muratović – Radio Ilijaš
2. TV Vogošća
3. Mehmed Smajlović – predsjednik Savjeta MZ Mrakovo
4. Meho Mešetović – predsjednik Savjeta MZ Ilijaš Grad
5. Benis Fazlić – direktor JU KSC i Radio Ilijaš

Ostali prisutni:

1. Akif Fazlić – općinski načelnik
2. Sanja Zagorac-Jozić – pomoćnik načelnika
3. Sadeta Brkić – pomoćnik načelnika
4. Meliha Avdibegović – pomoćnik načelnika
5. Merima Osmanović – pomoćnik načelnika
6. Zdravko Barić – pomoćnik načelnika
7. Nijaz Spahić – pomoćnik načelnika
8. Aziz Fazlić – pomoćnik načelnika
9. Ilda Kahriman – sekretar OV-a Ilijaš
10. Đenan Suša – IT administrator
11. Maida Habibović - zapisničar

MAHIR DEVIĆ – predsjedavajući OV-a

Otvorio je sjednicu i konstatovao da postoji kvorum za odlučivanje (prisutno 20 vijećnika).

Zatim je dao na razmatranje zapisnik sa 9. sjednice OV-a.

Primjedbi na zapisnik nije bilo, pa je Općinsko vijeće jednoglasno usvojilo zapisnik sa 9.sjednice.

Pročitao je predloženi dnevni red, a obzirom da nije bilo primjedbi Općinsko vijeće je jednoglasno usvojilo slijedeći

DNEVNI RED

1. Vijećnička pitanja i inicijative
2. Izvještaj o realizaciji zaključaka sa 9. sjednice
3. Prijedlog Izmjene i dopune Budžeta općine Ilijaš za 2017. godinu
4. Prijedlog Odluke o davanju saglasnosti na Plan rada Javne ustanove "Kulturno-sportski centar i Radio Ilijaš" za 2017. godinu
5. Prijedlog Odluka o:
 - a) usvajanju Regulacionog plana "Savića brdo"
 - b) provođenju Regulacionog plana "Savića brdo"
6. Prijedlog Odluka o:

- a) usvajanju Regulacionog plana "Savića brdo 1"
- b) provođenju Regulacionog plana "Savića brdo1"
- 7. Prijedlog Odluka o:
 - a) usvajanju Regulacionog plana "Stari Ilijaš"
 - b) provođenju Regulacionog plana "Stari Ilijaš"
- 8. Prijedlog Odluke o utvrđivanju novog građevinskog zemljišta i Plana parcelacije za izgradnju apartmanskog naselja Ljubnići II
- 9. Nacrt Odluka o:
 - a) provođenju Regulacionog plana "Gornji Kadarići"
 - b) usvajanju Regulacionog plana "Gornji Kadarići"
- 10. Prijedlog Zaključka o davanju saglasnosti za obavljanje poslova sekretara OV-a Ilijaš
- 11. Prijedlog Rješenja iz imovinsko-pravne oblasti broj:06/1-31-1753/16

AD-1

Vijećnička pitanja i inicijative

ARMIN MATORUGA – vijećnik SDA

Inicijativa:

1. Pokrećem inicijativu prema nadležnoj službi općine Ilijaš s ciljem organizovanja sastanka sa nadležnom službom općine Vogošća, a vezano za problematiku neadekvatnog ljetnog održavanja putnih pravaca Donja Vogošća-Donja Karaula i Donja Vogošća-Gornja Karaula.

Obrazloženje: Pomenuti putni pravci su u nadležnosti općine Vogošća, a isti se nalaze u jako lošem stanju. Tokom prethodnih godina općina Ilijaš je izvršila rekonstrukciju pomenutih putnih pravaca na općini Ilijaš, ali općina Vogošća nije adekvatno odgovorila na trend rekonstrukcije i održavanja putnih pravaca koji spajaju ove dvije općine.

ALMIR ŠPIODIĆ – vijećnik BPS-Sefer Halilović

Inicijativa:

1. Pokrećem inicijativu da Ministarstvo saobraćaja Kantona Sarajevo izvrši analizu raskrsnica u užem jezgru grada Ilijaša, te da na istim urade adekvatnu saobraćajnu signalizaciju kako bi se broj saobraćajnih nezgoda sveo na minimum.

Obrazloženje: Evidentno je da su u posljednje vrijeme učestale saobraćajne nezgode, posebno na raskrsnicama unutar gradske jezgre Ilijaša, gdje se posebno izdvaja raskrsnica kod Policijske stanice. Na pomenutoj raskrsnici se svaki mjesec desi jedna ili više saobraćajnih nesreća.

AKIF BEŠLIJA – vijećnik SBB BiH Ilijaš

Inicijativa:

1. Na zahtjev stanovnika MZ Mrakovo i MZ Podlugovi, **opet** pokrećem inicijativu da se naspu tzv.bankine pored puta na dionici od mosta i skretanja za Vratušu pa sve do Polomske ulice u Podlugovima, urede prilazi kontejnerima, te da se već jednom iznađe rješenje za čišćenje postojećeg kanala za otpadne vode uz pomenutu dionicu, kao i ponovno saniranje prekopa puta koji su izvršeni polaganjem cijevi za optičke kablove.

Obrazloženje: Od sjednice OV-a Ilijaš koja je održana 29.11.2016. godine, već nekoliko puta se pokretala ista inicijativa, a sve u želji da se stanovnicima sa ovog prostora, kao i ostalim učesnicima saobraćaja olakša i pomenuta dionica devede u ono stanje koje je bilo prije izvođenja radova i postavljanja cijevi za optičke kablove. Ista inicijativa je dakle pokrenuta više puta, a odgovori su bili raznovrsni, od onih da će se sve sanirati u ljetnom održavanju puteva, dok vremenski uslovi dozvole, pa do onog da je ista inicijativa proslijeđena BH Telecom, od kojeg naravno nije stigao odgovor. Svjedoci smo da se prošle godine na području MZ Mrakovo i MZ Podlugovi vršilo kopanje i postavljanje cijevi za polaganje optičkih kablova kao i kopanje šahtova. Kopanjem istih na pomenutoj dionici došlo je do zatrpavanja i onako loših kanala za otpadne vode, te iste umjesto kanalima teku putem što može svakako dovesti do zaraznih oboljenja. Također, došlo je do uništavanja nasipa uz asfalt tzv.bankina što se sve pretvorilo u blato, te je skoro pa nemoguće na pojedinim dijelovima da se automobili mimoiđu što svakako ugrožava odvijanje saobraćaja. Ovome dodajem i da je pojedinim kontejnerima nemoguće prići i odložiti smeće zbog blata. Za sve ovo ste već dobili fotografije sa pomenute dionice, te ovim putem molim nadležnu općinsku službu da već jednom nalože izvođačima radova da cijelu dionicu vrate u prvobitno stanje, a ne da je ostave uništenu.

Tražim od nadležne općinske službe da mi dostave Ugovor koji je sklopljen sa investitorom, odnosno izvođačem radova, Zapisnik nadležne općinske službe ukoliko su izlazili da utvrde činjenično stanje na pomenutoj dionici i kada su to učinili, kao i to da me izvjestite o tome koliko su izvođači radova dužni održavati saobraćajnicu po izvršenim radovima.

DAMIR FILIPOVIĆ – vijećnik SDP-a

Pitanje:

1. Molim Vas da mi dostavite obrazloženje zašto su materijali dostavljeni dva dana prije sjednice?

Obrazloženje: Postavlja se pitanje da li je predsjedavajući dorastao funkciji obzirom da je dužan starati se o sprovedbi i poštivanju Poslovnika o radu Općinskog vijeća Ilijaš.

Inicijative:

1. Pokrećem inicijativu za izradu ležećih policajaca na putnom pravcu Podlugovi-Visoko, tačnije kod stadiona u Lješevu.
2. Put od spomen česme pa do Doca, prema Sovrlama.
3. Da se postave rasvjetne jedinice na potezu od Biočkog mosta do prve desne krivine u pravcu Starog Ilijaša.

Obrazloženje: Zbog velikog broja djece koja su primorana u noćnim satima se vraćati kući pomenutim putem.

AD-2

Izveštaj o realizaciji zaključaka sa 9. sjednice

Diskutanata po ovoj tački dnevno reda nije bilo, pa je OV-e jednoglasno usvojilo

Izveštaj o realizaciji zaključaka sa 9. sjednice

MAHIR DEVIĆ – predsjedavajući

Predlagač je uložio amandman na Prijedlog Izmjene i dopune Budžeta općine Ilijaš za 2017. godinu koji je sastavni dio navedenog Prijedloga.

Amandman glasi:

U članu 3. (po ekonomskoj i organizacionoj klasifikaciji) i članu 4. (Plan razvojnih programa) prijedloga Izmjena i dopuna Budžeta općine Ilijaš izvršiti sljedeće izmjene :

- Na budžetskoj poziciji 615116-Uređenje vodotoka i vodozahvata u okviru člana 3. umjesto 0,00 KM planirati sredstva u iznosu od 70.000,00 KM sa izvorom finansiranja Budžet Kantona Sarajevo 70.000,00 KM. U okviru člana 4. pozicija 2. Vodotoci i vodozahvati-615116, uvodi se novi program Uređenje korita r. Misoča, u iznosu od 70.000 KM sa izvorom finansiranja Budžet Kantona Sarajevo.
- Na budžetskoj poziciji 615411-Kapitalni transferi ostalim u okviru člana 3. umjesto 181.500 KM planirati sredstva u iznosu od 191.500 KM. U okviru člana 4. pozicija 16.Kapitalni transferi javnim preduzećima-615411 u okviru alineje 7. budžetski program Kapitalni transfer KSC i Radio Ilijaš (grijanje, modernizacija predajnika rds, automobil, projekti) umjesto 90.000 KM planirati sredstva u iznosu od 100.000 KM sa izvorom finansiranja Budžet općine
- Na budžetskoj poziciji 615411-Kapitalni transfer JKP Vodostan Ilijaš u okviru člana 3. umjesto 602.500 KM planirati sredstva u iznosu od 682.500 KM. U okviru člana 4. pozicija 16.Kapitalni transferi javnim preduzećima-615411 u okviru alineje 1. budžetski program JKP Vodostan Ilijaš umjesto 602.500 KM planirati sredstva u iznosu od 682.500 KM, a po sljedećim programima : smanjit poziciju budžetski program „Rekonstrukcija kanalizacione mreže u naseljima G.Luka i Misoča (Han)“ za 15.000 KM tako da će ista iznositi 70.000,00 KM sa izvorom finansiranja budžet općine, uvesti novi budžetski program „Sistem regulacije pritiska u gradskoj vodovodnoj mreži“ u iznosu od 75.000 KM sa izvorom finansiranja Budžet Kantona Sarajevo 30 .000 KM, Budžet Općine 45.000 KM, u uvesti novi budžetski program „Reknstrukcija vodovoda preko mosta u Ljubnićima“ u iznosu od 20.000 KM sa izvorom finansiranja Budžet Kantona Sarajevo.
- Na budžetskoj poziciji 821111-Nabavka zemljišta za industrijsku zonu LUKA u okviru člana 3. umjesto 600.000 KM planirati sredstva u iznosu od 500.000 KM. U okviru člana 4. pozicija Kapitalni izdaci 1. Nabavka i uređenje zemljišta-821100 u okviru alineje 1. budžetski program Nabavka zemljišta - lokalitet industrijska zona LUKA umjesto 600.000 KM planirati sredstva u iznosu od 500.000 KM sa izvorom finansiranja Budžet općine
- Na budžetskoj poziciji 615411-Kapitalni transferi pojedincima u okviru člana 3. umjesto 233.100 KM planirati sredstva u iznosu od 203.100 KM. U okviru člana 4. pozicija 9. Kapitalni transferi pojedincima-615211 ukida se budžetski program alineja 4. Obezbjedenje jedne stambene jedinice za lice u stanju socijalne potrebe, budžetski programi po brojem 5. i 6. postaju budžetski programi 4. i 5.
- Na budžetskoj poziciji 821614- rekonstrukcija i održavanje zgrada općine u okviru člana 3. umjesto 265.500 KM planirati sredstva u iznosu od 257.000 KM. U okviru

člana 4. pozicija Kapitalni izdaci 8. Rekonstrukcije i investiciono održavanje zgrada- u okviru alineje 8. Budžetski program Vanjsko uređenje objekta općine i doma zdravlja umjesto 58.000 KM planirati sredstva u iznosu od 50.000 KM sa izvorom finansiranja Budžet općine

- Na budžetskoj poziciji 822411- finansiranje aktivnosti Fonda SERDA u okviru člana 3. umjesto 10.000 KM planirati sredstva u iznosu od 0 KM. U okviru člana 4. pozicija Kapitalni izdaci 9. Izdaci za kupovinu dionica javnih preduzeća u okviru alineje 1. budžetski program Učešće u fondu SERDA umjesto 10.000 KM planirati sredstva u iznosu od 0 KM sa izvorom finansiranja Budžet općine
- Na budžetskoj poziciji Budžetska rezerva u okviru člana 2. i 3. umjesto 85.000 KM planirati sredstva u iznosu od 73.000 KM. Navedene izmjene izvršiti i u okviru člana 5. stav 2.

AKIF FAZLIĆ – općinski načelnik

U izmjenama i dopunama Budžeta za 2017. godinu se predlaže budžet u iznosu od 14.994.000,00 KM. Dakle, povećanje za 2.754.000,00 KM. Stekli su se zakonski uvjeti za pokretanje izmjena i dopuna budžeta. Ovakvo povećanje budžeta je usmjereno na kapitalne grantove i kapitalne izdatke i dijelom na tekuće transfere, a kada su u pitanju izdaci za bruto plate i materijalne troškove organa uprave i općinskog vijeća imamo svega povećanje od 5.000,00 KM. Dakle, zadržan je nivo sredstava za plate i materijalne troškove.

U osnovi, kroz rebalansirani budžet podržali smo sve naznačene projekte i sada ih objektivizirali u smislu da imamo za većinu projekata poznate tačne iznose, provedeno je dosta tendera. Usaglasili smo da svaki naš kapitalni projekat koji je bio naznačen u osnovnom budžetu sada bude potpuno finansijski zaokružen.

Tekući transferi povećani su za 326.000,00 KM i povećanje je za 260.000,00 KM na poziciji stimuliranje poduzetništva kroz realizaciju projekata sa ministarstvom privrede. Povećali smo sredstva za podsticaj u poljoprivredi za 20.000,00 KM vezano i za našu odluku koju smo imali na prethodnoj sjednici Općinskog vijeća tako da je ta odluka sada finansijski u potpunosti pokrivena.

Kada su u pitanju udruženja, povećali smo grant za Udruženje "Budi mi drug" za 25.000,00 KM u smislu obezbjeđenja adekvatnog vozila za rad tog udruženja. Povećali smo za 10.000,00 KM udruženja za sport, pogrebne troškove za 40.000,00 KM i tekući transferi za KSC 20.000,00 KM. To je tih 326.000,00 KM.

Kada su u pitanju kapitalni projekti, na puteve u ovom budžetu je definirano 2533000,00 KM. Ovo je proizašlo iz sredstava OKFŠ-a 1.200.000,00 KM, javna rasvjeta 352.000,00 KM, vodovod i kanalizacija blizu 1.900.000,00 KM, za zdravstvo 180.000,00 KM i ultrazvuk 60.000,00 KM, za školstvo 77.000,00 KM, kapitalni grantovi za sport i kulturu smo povećali 90.000,00 KM, itd.

Kada su u pitanju ekonomske aktivnosti (ja ih tako zovem), biznis centar 320.000,00 KM, javna tržnica 500.000,00 KM i nabavka zemljišta 715.000,00 KM.

Potpora kapitalnim grantovima za JU KSC i Radio Ilijaš 100.000,00 KM i imamo eko projekte u iznosu od 100.000,00 KM.

Dakle, ovo je prijedlog izmjena i dopuna i budžeta koji je praktično 15.000.000,00 KM, budžet koji je sa aspekta prihoda zaista potpuno izvjestan i budžet koji u realizaciji eventualno može biti problema u realizaciji vezano za tenderske procedure, a to znači početak septembra, potpisivanje ugovora, a nastojat ćemo da sve dinamički ovo ubrzamo kako bi ovako ambiciozan budžet uspjeli realizirati.

MUHAMED HANDŽIĆ – vijećnik BPS-Sefer Halilović

U ovom mandatu BPS je odlučio da bude konstruktivna opozicija i nadam se da ćemo to slijediti do kraja, ali ne možemo bježati od činjenica budžeta da je ovo zaista impresivan budžet. Kada sam na prošloj sjednici pohvalio rad načelnika i njegovog menadžmenta, neke moje kolege su mi zamjerili, ali evo već sada se pokazalo da je to bilo ispravno, korektno i očekivajuće. Znači za ¼ budžeta u odnosu na planirani je povećan i koju god stavku pogledamo vidimo da ima suficita. Po meni, načelniku će biti najveći problem kako naći izvođače radova za ovako velike projekte koje smo planirali za naredni period, a poznavajući zakonske procedure, tendere, svi radovi neće početi prije septembra i pitanje je možemo li stići sve ono što je planirano u ovoj godini. Još jednom se načelniku i njegovom menadžmentu se od srca zahvaljujem na ovakvom budžetu i mi ćemo ovo podržati.

SAUDIN DURMIĆ – vijećnik SDA

U ime KV SDA čestitam načelniku, njegovim saradnicima i svima onima koji su doprinijeli da imamo konstantan rast budžeta i nadam se da ćemo i u narednom periodu zadržati ovakav kontinuitet.

Diskutanata po ovoj tački dnevnog reda više nije bilo, pa je OV-e jednoglasno donijelo

Izmjene i dopune Budžeta općine Ilijaš za 2017. godinu

AD-4

Prijedlog Odluke o davanju saglasnosti na Plan rada Javne ustanove "Kulturno-sportski centar i Radio Ilijaš" za 2017. godinu

BENIS FAZLIĆ – direktor JU KSC i Radio Ilijaš

Tragom rebalansa ovog budžeta i mi smo uradili ovaj prijedlog finansijskog plana cijeneći i prateći ovaj trend općine povećanja i zamolio bih kolege vijećnike da podrže ovaj plan i izvinjavam se što je u materijalu bilo nekih tehničkih grešaka i nadam se da ćete to uvažiti. U tom pravcu ovo povećanje kapitalnog budžeta odnosi se na rekonstrukciju grijanja u sportskoj dvorani, 13.000,00 KM je nabavka opreme za Radio 15.000,00 KM za izradu projekata kako utopljanja tako i rekonstrukcije scene u kino dvorani. Podržavajući ovo, zamolio bih vas da podržite i iznos od 25.000,00 KM za nabavku automobila za Radio Ilijaš.

SEMIR DIZDAREVIĆ – samostalni vijećnik

I ja se pridružujem čestitkama načelniku, a volio bih da i uvaženom direktoru mogu čestitati, ali još uvijek ne mogu.

Imam par primjedbi na ovaj finansijski plan. Drago mi je da se povećao, ali bi mi bilo još draže da ste to zaradili, a ne iz budžeta općine. Ja to gledam sa strane privatnog sektora. Volio bih da mi pojasnite neke stvari.

Prihod od kina – zar se ne može malo povećati u smislu nekih projekcija, nabavke filmova, organizovanje predstava itd. ?

Bruto plate – povećane za 8%, odnosno 20.000,00 KM, a topli obrok i prevoz ostali isti. Nekome se samo povećala plata i interesuje me kome i zašto i da li je neophodno?

Troškovi bankarskih usluga, pošta i platnog prometa dignuti za 200% i to isto da se objasni zašto?

Troškovi oglašavanja za 300% povećani. Gdje da se oglašavamo, na koji način, kako mislimo potrošiti te pare i da li je to toliko potrebno?

Nabavka automobila 25.000,00 KM – mislim da je previše. Ako se načelnik općine može voziti u automobilu tržišne vrijednosti 25.000,00 KM, smatram da je previše za Radio Ilijaš. Poštujem da treba automobil, ali mislim da se iznos može smanjiti pa bar za 10.000,00 KM.

BENIS FAZLIĆ – direktor JU KSC i Radio Ilijaš

Kada je u pitanju budžet, plan je varijabilna kategorija i znate da smo predvidjeli povećanje vlastitih prihoda, međutim, znate da sve sportske, humanitarne i kulturne organizacije koje djeluju na području općine Ilijaš imaju besplatno korištenje trenažnog i takmičarskog dijela procesa u kinu i sportskoj dvorani.

Kada je u pitanju prihod od kina, znate da se radi biznis centar i onemogućeni smo 150 dana koliko traje izrada biznis cetra, da uopšte koristimo kino salu. Prihvatam primjedbu da se na neki drugi način namaknu prihodi i mi ćemo se svakako truditi kada je ovaj dio u pitanju.

Kada su plate u pitanju, u 2016. godini bruto plate su bile 254.000,00 KM, tako da povećanje ide za usklađivanje plata, a kada je u pitanju topli obrok on ide po zakonu i nemamo troškove prevoza.

Troškovi bankarskih usluga, otišli smo na elektronsko bankarstvo i nadam se da će ovdje biti ušteda i nema razloga da povećavamo kada je ovaj dio u pitanju, ali planom je predviđeno da se on poveća.

Oglašavanje – mi jesmo javna ustanova, ali smo dužni sva oglašavanja objaviti u Službenim novinama i tiskanim medijima koji izlaze na teritoriji Federacije BiH i tu imamo potreba.

Kada je u pitanju nabavka automobila – to je iznos sa PDV-om i registracijom i to nije neko auto visoke klase i nisam za to, nego je to auto neke srednje kategorije. Do sada smo koristili svoje privatne automobile, ali mislim da više nismo toliko siromašni da jedna ustanova, jedan medij, ne treba da ima automobil.

SEMIR DIZDAREVIĆ – samostalni vijećnik

Ja sam za to da nabavite automobil, ali ne treba biti neki luksuzniji automobil. Dolazim iz privatnog sektora, a ovo gledam kao svoj budžet.

MAHIR DEVIĆ – predsjedavajući

Ako se to auto može kupiti za 20.000,00 KM, umanjit ćemo ovaj planirani iznos za 5.000,00 KM. Tender ne mora biti 25.000,00 KM, može biti 20.000,00 KM.

MUHAMED HANDŽIĆ – vijećnik BPS-Sefer Halilović

Ja sam za to da se kupi adekvatno vozilo koje će služiti svrsi. Svjedok sam kada radnici KSC-a koji prate programe na općini Ilijaš i oni se prevoze svojim vozilima, traktorima, pješice i ne mogu svoj posao obavljati adekvatno. Moramo misliti na ove ljude kako bi mogli adekvatno obaviti svoj posao.

HALID DIZDAREVIĆ – vijećnik SDA

Vezano za ovo vozilo, možda se treba postaviti pitanje zašto se davno nije obezbijedilo. Što se tiče plana rada dvorane u 2018. godini – kada je u pitanju zagrijavanje dvorane, moje pitanje je da li će konačno biti riješeno zagrijavanje dvorane priključkom na Toplane? Svake godine imamo određene "finansijske injekcije" kada je u pitanju zagrijavanje i hoćemo li opet u januaru imati izvještaj da nije riješeno pitanje zagrijavanje dvorane i hoće li to opet iziskivati određena budžetska sredstva, što je apsolutno po meni neprihvatljivo?

BENIS FAZLIĆ – direktor JU KSC i Radio Ilijaš

Priključkom na Toplane, sigurno će u dobroj mjeri biti riješeno grijanje dvorane. Međutim, ono što je pokazala studija energetske efikasnosti da treba uraditi izolaciju i prema ovoj studiji dio sredstava će otići za izradu projekta i ova studija je procijenila da za sve ove radove treba 280.000,00 KM i mi s tim programom idemo prema fondovima kako bi ušli u jedan od tih projekata i time bi završili projekat zagrijavanja dvorane da se može koristiti 24h svih 365 dana u godini.

Diskutanata po ovoj tački dnevnog reda više nije bilo, pa je OV-e jednoglasno donijelo

Odluku o davanju saglasnosti na Plan rada Javne ustanove "Kulturno-sportski centar i Radio Ilijaš" za 2017. godinu

Uslijedila je pauza od 10:55-11:30h.

AD-5

Prijedlog Odluka o:

- a) usvajanju Regulacionog plana "Savića brdo"
- b) provođenju Regulacionog plana "Savića brdo"

MELIHA AVDIBEGOVIĆ – pomoćnica načelnika

Obuhvat ovog plana je 31 h. Od toga je najviše privatnog zemljišta 26 h, a 5h je društvenog zemljišta. Na osnovu analize postojeće prostora i stanja na terenu, utvrđeno je, bez obzira na veliku površinu, da je taj prostor ne iskorišten, a postojeća saobraćajna infrastruktura da ne zadovoljava potrebe današnjih korisnika. U okviru plana definisane su zone stanovanja cca 24 h, zona sporta, rekreacije, zelenila cca 2,5 h i saobraćajne površine cca 5 h. Planom je predviđena izgradnja 137 individualnih objekata na privatnom zemljištu i 12 objekata na društvenom zemljištu. Uz sadašnji spomen park predviđen je jedan objekat za društvenu infrastrukturu površine 420 m² i sportske površine za rekreaciju. Predviđeno je uređenje parka, stepenica, šetnica, kao i platoa sa fontanom i dječijim igralištem. Zbog blizine centra Ilijaša, sve potrebe stanovništva će se zadovoljavati u samom centru grada, a za eventualne dodatne potrebe mogu se iskoristiti prizemlja stambeno-poslovnih objekata. Postojeća ulica Novo Naselje je lokalnog tipa i ista je veza i ostala veza cijelog ovog prostora unutar predmetnog obuhvata sa centralnim općinskim urbaniziranim sadržajima. Sada je ona bez pješačke staze i ne zadovoljava postojeće potrebe korisnika. Planom je zadržan koncept primarne mreže saobraćajnica koju čine ova saobraćajnica sa postojećim nekim novim saobraćajnicama koje su u kontaktu sa postojećim planovima Alića Gaj i Banovac.

Za sve postojeće saobraćajnice predviđena je rekonstrukcija sa dvije trake i pješakim

stazama.

Nije bilo primjedbi komisija.

Provedena je javna rasprava i javni uvid i sve primjedbe koje su bile od građana su uglavnom usvojene.

SEAD ŠEHIĆ – vijećnik SBB-a

Naselje koje se nalazi iznad TC "Bingo", da li je tu predviđena saobraćajnica sa dvije trake, tj. do tog naselja.

MELIHA AVDIBEGOVIĆ – pomoćnica načelnika

Predviđena je dvosmjerna saobraćajnica.

SAUDIN DURMIĆ – vijećnik SDA

KV SDA nema primjedbi, ali upućejmo sugestiju prema službi, a to je da nam se u materijalu dostavljaju skice na A2 formatu i da to bude u koloru. Na ovom formatu se teško snaći. Ako možete da uvažite ovu sugestiju.

MAHIR DEVIĆ – predsjedavajući

Slažem se, ali jedino je ovaj format koji smo vidjeli adekvatan 1:1000.

Diskutanata po ovoj tački dnevnog reda više nije bilo, pa je OV-e jednoglasno donijelo

Odluka o usvajanju Regulacionog plana "Savića brdo" i
Odluku o provođenju Regulacionog plana "Savića brdo"

AD-6

Prijedlog Odluka o:

- a) usvajanju Regulacionog plana "Savića brdo 1"
- b) provođenju Regulacionog plana "Savića brdo1"

Diskutanata po ovoj tački dnevnog reda nije bilo, pa je OV-e jednoglasno donijelo

Odluka o usvajanju Regulacionog plana "Savića brdo 1" i
Odluku o provođenju Regulacionog plana "Savića brdo1"

AD-7

Prijedlog Odluka o:

- a) usvajanju Regulacionog plana "Stari Ilijaš"
- b) provođenju Regulacionog plana "Stari Ilijaš"

MAHIR DEVIĆ – predsjedavajući

Samo da informišem vijećnike koji nisu bili na ovom sastanku koji smo imali za vrijeme pauze. Naime, problematizirali smo pitanje saobraćaja u mirovanju, tačnije autobuske stanice, a u ostalom se izašlo u susret svim zainteresiranim stranama, i dogovorili smo da usvojimo amandman, da ne bi skidali tačku s dnevnog reda, da se izvrši korekcija odnosno

pozicioniranje autobuske stanice u Ilijašu, jer prema materijalu koji smo dobili stanica je išla na krivinu prema Malešićima i cijenili smo da bi to bilo izuzetno opasno znajući da naši ljudi odmah sa stanice prelaze tako da smo tražili da se ona pozicionira na onom potezu gdje je i bila s tim da se proširi. Znači, pripremili smo amandman i zamolit ću pomoćnicu načelnika da ga pročita.

ARMIN MATORUGA – vijećnik SDA

Obzirom da sam od samog početka bio uključen u izradu ovog plana i želim da se zahvalim načelniku, nadležnoj službi i svim uposlenicima Zavoda koji su sve primjedbe, sugestije kvalitetno ili primjenili ili obrazložili zašto nisu uvažene. Bilo je dosta primjedbi građana koje su neosnovane. Koristim priliku da se još jednom zahvalim svima i ovim amandmanom smo upotpunili Regulacioni plan Stari Ilijaš.

MELIHA AVDIBEGOVIĆ – pomoćnica načelnika

Amandman glasi: "Da se planirano autobusko stajalište u centru Stari Ilijaš iz smjera Sarajeva prema Ilijašu sa planirane lokacije premjesti na lokaciju od završetka skretanja prema Grebencu do ulaza u Tranzitexport. Put za Hadžiće (Gajice) na dijelu do skretanja za Vlaškovo planirati kao jednosmjernu iz pravca centra. Omogućiti lijevo skretanje iz pravca Ilijaša za Grebenac skraćivanjem ostrva uz produženje trake za lijevo skretanje i omogućiti dodatnu traku za priključenje na regionalni put iz Luke prema Sarajevu".

Diskutanata po ovoj tački dnevnog reda više nije bilo, pa je OV-e jednoglasno uz navedeni amandman donijelo

Odluku o usvajanju Regulacionog plana "Stari Ilijaš" i
Odluku o provođenju Regulacionog plana "Stari Ilijaš"

AD-8

Prijedlog Odluke o utvrđivanju novog građevinskog zemljišta i Plana parcelacije za izgradnju apartmanskog naselja Ljubnići II

Diskutanata po ovoj tački dnevnog reda nije bilo, pa je OV-e većinom glasova donijelo

Odluke o utvrđivanju novog građevinskog zemljišta i Plana parcelacije za izgradnju apartmanskog naselja Ljubnići II

AD-9

Nacrt Odluka o:

- a) provođenju Regulacionog plana "Gornji Kadarići"
- b) usvajanju Regulacionog plana "Gornji Kadarići"

Diskutanata po ovoj tački dnevnog reda nije bilo, pa je OV-e jednoglasno donijelo

ZAKLJUČAK

1. Utvrđuje se Nacrt Regulacionog plana "Gornji Kadarići", Nacrt Odluke o provođenju Regulacionog plana "Gornji Kadarići" i Nacrt Odluke o usvajanju Regulacionog plana "Gornji Kadarići".

2. Javni uvid na Nacrt Regulacionog plana "Gornji Kadarići", Nacrt Odluke o provođenju Regulacionog plana "Gornji Kadarići" i Nacrt Odluke o usvajanju Regulacionog plana "Gornji Kadarići" stavlja se na Javni uvid u periodu od 30.06.2017. do 14.07.2017 godine, a Javna rasprava na nacrt Regulacionog plana "Gornji Kadarići", Nacrt Odluke o provođenju Regulacionog plana "Gornji Kadarići" i Nacrt Odluke o usvajanju Regulacionog plana "Gornji Kadarići" održat će se 17. jula (ponedjeljak) 2017. godine u sobi 34 Općine Ilijaš /II sprat/ sa početkom u 14 sati i 30 minuta.

3. Primjedbe, prijedlozi, sugestije i mišljenja svih zainteresovanih subjekata planiranja, MZ-a, potencijalnih investitora, građana, vijećnika Općinskog vijeća Ilijaš dostavljaju se Općini Ilijaš, Službi za prostorno uređenje i stambeno komunalne poslove, koja organizuje i sprovodi javnu raspravu.

4. Služba za prostorno uređenje i stambeno komunalne poslove dužna je nakon sprovedene javne rasprave da podnese izvještaj Općinskom vijeću Ilijaš, o rezultatima Javne rasprave koji sadrži primjedbe, prijedloge i mišljenja kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni.

AD-10

Prijedlog Zaključka o davanju saglasnosti za obavljanje poslova sekretara OV-a Ilijaš

Diskutanata po ovoj tački dnevnog reda nije bilo, pa je OV-e jednoglasno donijelo

Zaključak o davanju saglasnosti za obavljanje poslova sekretara OV-a Ilijaš

AD-11

Prijedlog Rješenja iz imovinsko-pravne oblasti broj:06/1-31-1753/16

Diskutanata po ovoj tački dnevnog reda nije bilo, pa je OV-e jednoglasno donijelo

Rješenje iz imovinsko-pravne oblasti broj:06/1-31-1753/16

Nakon što je iscrpljen dnevni red, predsjedavajući Mahir Dević, zaključio je desetu sjednicu OV-a Ilijaš u 11:50h.

Zapisničar:
Maida Habibović

PREDSJEDAVAJUĆI
OPĆINSKOG VIJEĆA ILIJAŠ

Mahir Dević, prof.

Ul. 126. ilijaške brigade br. 6, 71380 Ilijaš
Tel. ++387 33 580-620, 580-698, fax. 400-505,
Transakcijski račun kod VAKUFSKE BANKE,d.d. Sarajevo:1602000000710645
e-mail ov@ilijas.ba
Broj certifikata:20938

